

Ratni izvještaji.

Izvještaj austro-ugarskog glavnog stožera.

Kb. Beč, 7. juna.

Istočno bojište:

Ništa novoga.

Talijansko bojište:

Na Soči nastavio je neprijatelj najvećom upornošću pokušaje, da pod svaku cijenu osvoji natrag položaje, koje je izgubio na 4. juna. Bojište oko Jamiana bilo je opet pozorištem velikih borbi. Pobijedjeni su bili Talijani. Njihovi napadaji u masama slomili su se svagdje sa najtežim gubitcima. Zarobili smo ponovno 30 časnika i 500 vojnika, pa prema tome iznosi ukupni broj zarobljenika od 12. maja na ovamo više od 27.000 ljudi.

U dolini Gajta svaljena je na 5. juna jedna talijanska dvoplošna letilica; oba su letelica zarobljena neranjeni. Na isti dan prodrie su naše čete uspješno u neprijateljske položaje u području Drei Zinnen. Jučer je neprijatelj podržavao jaku topničku vatru u dolini Sugana i na visoravni Cetta Comuni (Sedam opština).

Jugoistočno bojište:

Jugoistočno od Berata protjerale su naše stražarske čete neprijatelja u dolinu Osum.

Načelnik glavnog stožera.

Izvještaj njemačkog vojnog vodstva.

Kb. Berlin, 7. juna.

Zapadno bojište:

Front prijestolonasljednika Rupprechta bavarskog:

Između Yperna i Armentieresa bijesnila je jučer topnička borba sa jednakom snagom. Jučer ulotro je poslije velikih rasprskavanja i jake bubnjaške varre započela sa engleskim pješadijskim navalama velika bitka u Flandriji. Sa neobično jakom snagom podržavao je neprijatelj topničku vatru na cijelom frontu od kanala La Basse, pa sve do južne obale Scarpe. Kod Hullucha, Loosa, Lievena, i Roexa slomili su se zorom jaki engleski napadi.

Front njemačkog prijestolonasljednika:

Skoro poslije, pošto su donjo rheiński fizežeri na drumu Pindi-Jouy u ogrorčenoj borbi na nož zarobili u neprijateljskim položajima nekoliko neprijateljskih vojnika i time svratili pozornost neprijatelja na sebe, zauzeli su južno od Pargny-Filaina dijelovi meiningskih, hannoveranskih, schleswig-holsteinskih i brandenburških pukova neprijateljske položaje na Cheminds Dames u Širln od skoro dva kilometra. Potpomagani uspješno topništvom, bacalama mina i letelica, praćeni pionirskim četama i odjeljenjima jurišnog bataljuna broj 7, koji se osobito bio istakao u borbama prošlih sedmica, zauzele su ove čete u prkos najgorčeniije odbrane prema zapovijesti neprijateljske položaje. Protiv zauzetih položaja preduzeo je neprijatelj poslije jake vatre snažne protiv napade, koji su potrajali do u noć. Ovi su svi odbijeni. Zarobljeno je 14 časnika, 543 vojnika, a zaplijenjen jedan brzometni top, 15 mašinskih pušaka i jedno bacalo granata.

Front vojvode Albrechta württembergskog:

Ništa novoga.

Jučer je u vazdušnoj borbi svaljeno osam engleskih letilica, jedna od poručnika Voosa, koji je na taj način ostao 34 puta pobjednik u vazduhu.

Na istočnom i maćedonskom bojištu nije bilo osobitih borbi.

Prvi zapovjednik glavnog stana pl. Ludendorff.

Njemački večernji izvještaj.

Kb. Berlin, 7. juna.

Wolffov ured javlja: u zavijutku Wytschaete protivnik je upao u naše istaknute položaje. Promjenljiva je borba još u toku.

Položaj na zapadnom bojištu.

Kb. Berlin, 7. juna.

Wolffov ured javlja: Na artoiskom frontu ponovno se 6. juna znatno pojačala topnička vatra, naročito između Loosa i Roexa. U noći je vatra ostala žestoka. Gdje su neprijateljske izvidnice u noći na 7. pokušavale uznapredovati, bile su posvuda suzbijene, pretpjevši kraj toga krvavih gubitaka. Kod Hullucha ugnušen je u našoj vatri jedan neprijateljski pokušaj napadaja, koji je poslije jake topničke priprema poduzet u 2 sata u jutro. Sjeverozapadno od Hullucha i jugoistočno od Loosa osujećen su u vatri mašinskih pušaka i topničkoj vatri napadali neprijateljskih izvidnica, koje su u jakosti do dvije čete htjele uznapredovati. Razoreni su neprijateljski pripralni položaji zapadno od Elol-a našom uništavajućom vatrom. U 3 sata u jutro odbijeni je istočno od Lievena jedan napad jakih neprijateljskih odjeljenja, isto tako i jaki napadaji sjeverno od Scarpe. Povratili smo natrag dijelove onog uzanog rova na stanici Roex, u kojem su se Englezi juče mogli ustali. Preostali je dio spomenutog rova rastavljen te leži pod koncentričnom vatrom našega topništva i mina. Kod javljenog uspješnog našeg napadaja južno od Pargny-Filaina pretpjeli su Francuzi teških gubitaka i to kod svojih tvrdokornih protivnapada, naročito između 9 i 11 sati na večer, kad su uz upotrebu sprava za bacanje plamenova u gustim masama uzaludno pokušavali da opet osvoje izgubljene svoje položaje.

Iz hrvatskog sabora.

Na 5. ov. mj. bila je poslije kratke stanke prva sjednica hrvatskoga sabora, na kojoj se odmah u početku kao prva tačka dnevnoga reda pitanje kraljeva zavjerenica, koja je od sabora poslije protiv prijedloga nar. zastup. dr. Lorkovića primljena do znanja. Pošto je pročitana molba socijalno-demokratske stranke u Hrvatskoj-Slavoniji, da se zemlji povrata sve ustavne slobode, koje su zbog rata dokinute, sloboda sastajanja i tako dalje, podnijelo je vodstvo Starčevićeve stranke prava saboru slijedeću državopravnu ogradu:

„Starčevićeva stranka prava“ drži, da je povodom odlučne faze, u koju je stupio ovaj svjetski rat, a napose povodom inicijative, što ju je dalo Njegovu Veličanstvo kralj Karlo i njegov ministar za vanjske poslove, za što skorije postignuće časnoga mira kao što i povodom najnovijih izvaja u austrijskom carevinskom vijeću, dužna izjaviti ovo:
Pravo samoopredjeljenja svakoga naroda temeljna je misao i ta misao biće osnovom kod konačnog uređivanja međunarodnih odnošaja nakon ovoga rata. Polazeći s toga stanovišta, „Starčevićeva stranka prava“ pod „časnim mijrom“ razumijeva onakav mir, koji bude pravednim načinom garantirao svim narodima evropske kulturne zajednice slobodan, samostalan razvitak. „Starčevićeva stranka prava“ drži, da je bitnim i neodoljivim uvjetom za postignuće te svrhe preuredjenje monarhije Habsburga na podlozi potpune ravnopravnosti svih njezinih naroda, uz posvemašnje isključenje hegemonije i gospodstva jednoga naroda nad drugim.

„Starčevićeva stranka prava“ radosno pozdravlja jedinstvenu izjavu danu 30. svibnja 1917. u carevinskom vijeću u ime zastupnika hrvatskih u „Jugoslavenskom klubu“ u Beču, kojim oni zahtjevaju na temelju narodnoga načela i historijskoga državnoga prava hrvatskoga državopravno i upravno sjedinjenje svih onih zemalja monarhije, u kojima žive Hrvati, Slovenci i Srbi, u jedno samostalno, od svakoga gospodarstva tujih naroda slobodno i na demokratskoj osnovici osnovano državno tijelo. Pozivlje stoga ona cijeli hrvatski narod, da ju u ovom odlučnom času podupre u njezinu nastojanju, isključujući pritom, da ona to ne smatra svojim stranačkim, već očće narodnim poslom.

Velika bitka u Flandriji. — Jaki pokret za mir u Sjevernoj Americi.

„Starčevićeva stranka prava“, stojeći na stanovištu narodnoga jedinstva Hrvata, Slovence i Srba, pozivlje „narodito Srbe, državljane kraljevine Hrvatske, da se po primjeru zastupnika „Jugoslavenskoga kluba“ priključe njezinu stanovištu, ter da zajedno sa Hrvatima i Slovincima porade za sjedinjenje svega slavenskoga juga monarhije Habsburga u posebno državno tijelo na osnovu narodnoga načela i historijskoga državnoga prava kraljevine Hrvatske.

„Starčevićeva stranka prava“ odobrava stanovište zastupnika naroda češkoga i poljačkoga, što su ga oni zauzeli u svojim najnovijim izjavama, dajući u carevinskom vijeću, izrazujući tim povodom bratskim narodima češkomu i poljačkomu svoje divljenje i svoje simpatije.

U savezu sa ovom izjavom, Starčevićeva stranka prava traži navedenje sveopćeg, izravnog, jednakog, tajnog prava glasa.

Austro-Ugarska.

Njegovo Veličanstvo u Budimpešti.

Kb. Beč, 7. juna.

Njegovo Veličanstvo polazi večerašnjim zasebnim vozom u Budimpeštu. Istim vozom putuje i baron Burian u Budimpeštu.

Kriza u Ugarskoj.

(Naročiti brzojav „Beograd. Novina“). Budimpešta, 7. juna.

Današnji dan obećava, da će biti vrlo važan dan u ugarskoj politici. Njegovo Veličanstvo je jutros prispljeo ovamo u pratnji barona Buriana, princa Hohenhofe i grofa Berchtolda. Danas će Njegovo Veličanstvo primiti u audienciju mnoge političke ličnosti. Predstoji rješavanje krize. Svi su izgledi, da će Weckerle obrazložiti ministarstvo, u koje će ući političari van stranaka Andrássy će, kako „Pesti Hirlap“ javlja, biti nalmenovan za ministra a latere. Kako „Nepszava“ javlja, današnje manifestacije radnika, koje će otpočeti poslije podne za izbornu pravu, biće obima kakvog dosad nije bilo.

Potapljanja u Atlantskom Okeanu.

Kb. Berlin, 7. juna.

Wolffov ured javlja: Djelatnošću podmornica je u Atlantskom Okeanu uništeno 20.000 bruto tona.

Jaki pokret za mir u Sjevernoj Americi.

(Naročiti brzojav „Beogradskih Novina“). Frankfurt, 7. juna.

„Fankfurter Zeitung“ javlja iz Haaga: „Times“ javlja iz Washingtona, da je pacifistička propaganda u Chicagu zadobila veliki obim. Pacifistički pokret je izbio i u američkim radničkim krugovima, naročito među rudarskim radnicima. Onemirima u Chicagu se javlja, da je jedan govornik doviknuo gomili: Hoćete li vi američki radnici da se borite protiv njemačkih radnika?! On je pogrdne riječi uputio na adresu predsjednika Wilsona. Nekoliko je radnika klicalo njemačkom caru, zbog čega se policija morala umiješati. U Clevelandu je policija bila primorana da protiv gomila upotrebi oružje. Ranjeno je 50 lica, a 10 je uapšeno. Povodom ovoga je gomila polupala prozore na zgradi policije. Konjička policija je rastjerala gomile.

Ruski haos.

Pred novim unutarnjim potresima.

Kb. Berlin, 7. juna.

„Lokalanzeiger“ piše: U petrogradskom radničkom i vojničkom savjetu postoji pouzdana većina za to, da se Rusija potpuno odvoji od saveznika i da se u prvom redu pobrine za što skorije ustanovljenje mira. Prilikom novih unutarnjih potresa, koji se uskoro očekuju, oboriće se sadašnja vlada i zamjenije se čistom socijalističkom vladom.

Sazanovljevi odstup.

Kb. Petrograd, 7. juna.

Odobreno je odstupanje londonškog poslanika Sazanova.

Bez mirovnog načela nema ofenzive. (Naročiti brzojav „Beogradskih Novina“).

Bern, 7. juna.

„Times“ javlja iz Petrograda pod 31.: I ako se sve više jača raspoloženje u korist što skorije ofenzive, ipak socijalistička štampa ostaje pri svome zahtjevu, a naročito organ radničkog i vojničkog savjeta, da vlade savezničke, prije no što Rusi podju naprijed, prime načelo „bez aneksije i ratne oštete“.

„Djelo Naroda“ piše: Kad bi mi prešli u ofenzivu prije, no što bi dobili stvarno jamstvo, da je usvojeno mirovno načelo bez aneksija, onda to bi značilo, da predajemo revolucionarnu spoljnu politiku u ruke saveznicima.

„Novaja Žiznj“ piše: Napori privremene vlade radi preduzimanja ofenzive skrivaju u sebi veliku opasnost. Ni agitacije, ni pozivi, ni prijetnje neće postići željenu svrhu dokle se ne usvoji novo načelo, koje isključuje imperijalistički saveznički cilj, aneksije i ratne oštete.

Tereščenkoy mirovni program.

(Naročiti brzojav „Beogradskih Novina“). Amsterdam, 7. juna.

Ruski ministar spoljnih poslova Tereščenko primio je prestavnike petrogradske neutralne štampe i izjavio im, da Rusija želi da cijelom svijetu pokloni pravedan mir, koji neće tlačiti ni jedan narod i koji neće poslije rata izazvati mržnju i otudjivanje. Rusija želi, da poslije rata svi narodi žive u miru jedan pored drugog. Tereščenko je dalje izjavio, da je on protivnik zasebnog mira i da će se privremena vlada truditi da ostvari opšti mir.

Protiv agenata stare vlade.

Kb. Petrograd, 7. juna.

Ministar vojni Kerenski je predložio, da se u cijeloj Rusiji urede gubernijski sudovi, koji će se sastojati iz tri člana mjesnog odbora radničkog i vojnog savjeta i trojice članova, koji će biti izabran od ostalih korporacija.

Ovi će sudovi voditi postupke protiv agenata stare vlade.

Riješeno je kronstadtsko pitanje.

Kb. Petrograd, 7. juna.

Kronstadtsko je pitanje riješeno. Mjesni odbor radničkog i vojnog savjeta priznao je petrogradsku vladu.

Pokret za mir.

Pokret za mir u Portugalskoj.

(Naročiti brzojav „Beogradskih Novina“). Ženeva, 7. juna.

Prema pouzdanim vijestima iz Lisabona, podnijelo je 36 poslanika komore — dakle preko četvrtine svih poslanika komore — u komori prijedlog za što skorije otkončanje rata, te za uspostavu trgovačke slobode Portugalske sa svim evropskim silama.

Ribot protiv mira.

Kb. Paris, 7. juna.

U senatu je ministar predsjednik Ribot, odgovarajući na jedno pitanje, razložio neizdavanje putnih listova za Stockholm; on je između ostalog rekao: Izvjensna lica su se predale zanosu, kao da međunarodna sporazumijevanja mogu spriječiti dalji rat. Njemačke socijaliste bili su još u samom početku svjesni sukrivici njemačke vlade. Francuskim građanima je nemoguće, da u sred rata, dok još neprijatelj drži u svojim rukama izvjesne oblasti otadžbine, učestvuju u pregovorima s protivnikom. Mir može poteći samo iz pobjede. Sastanci kao u Stockholmu mogu stvoriti samo zamišljenu sliku mira. Mi ne možemo nikad, a naročito u trenutku, u kome se vode najžešće borbe, jer se bliži kraj, zvodoliti da se stvaraju takve zamišljene slike. Ni jedan Francuz ne može biti toliki kukavica, da obustavi borbu prije no što se ne osvoji Alsas-Lotaringija. Isto je tako neophodno potrebno, da se naknade štete i zvijerstva, kao i da se dobiju jamstva protivu obnavljanja ratnih užasa.

Poslije održane tajne sjednice senat je primio predloženi mu imperijalistički prijelaz na dnevni red.

Amerika u ratu.

Senat protiv Wilsona.

(Naročiti brzojav „Beogradskih Novina“).

Amsterdam, 7. juna.

Senat je, prema brzojavu iz New-Yorka odbio prijedlog Wilsonov, da se oboružaju svi američki trgovinski brodovi.

Najnovije brzojavne vijesti.

Manifestacije u Norveškoj zbog skupocē.

Kb. Kristianija, 7. juna.

U Norveškoj je bilo manifestacija zbog skupocē, koje su svuda tekle u potpunom miru i redu. U Kristianiji je u manifestacijama učestvovalo preko 40.000 lica. Nošene su zastave s napisima protiv skupocē. Predsjednik parlamenta je primio izaslanstvo manifestanata.

Grad i okolica.

Tjelovski obhod.

Jučer se u prekrasnom sunčanom jutru izvršila jedna od najvećih katoličkih svečanosti, Tijelovo ili Brašančevo — dan, kad se sveto otajstvo, što se inače nalazi pohranjeno u glavnom žrtveniku, nosi u ophodu ili procesiji po ulicama na poklon vjernika. Tačno u 8 sati otpočela je u dvoru svečana služba Božija, koju je uz asistenciju misio vojni nadkural preč. g. Klimkovič. Prisutni su bili zastupnici svih odjeljenja gubernije i beogradske posade s Njegovom Preuzvišenošću glavnim guvernerom general-pukovnikom baronom pl. Rhemennom na čelu, zatim ostalo činovništvo, škole i gradjansvo, a uz orgulje je pjevao novu za taj dan naučenu misu sv. Cecilije pjevački zbor, ženski i muški, vojnog kurata velič. g. Wagnera. Skladna i diskretna izvedba ove divne i strogo religiozne skladbe, izmjenjivana sa zvucima salva na polju, davala je svečanosti osobito značenje. Sam svečanost ophod pošao je od starog krila dvora novomu, gdje je na samom ulazu bio podignut prvi oltar. Nakon što se tu izvršio obred i blagoslov s pjesmama i pucnjavom salva, krenuo je ophod ulicom kralja Milana, predvođen špaljom djevojaka u bijelin, koje su sipale cvijeće, te se isti obred izveo kod drugog oltara na čošku ulice Miloša Velikoga i treći na čošku Resavske ulice, da se napokon završi ispred četvrtog oltara u Poslaničkoj ulici na zaokretu pred ulazom u dvor. Poslije ophoda izveden je običajni vojnički mimohod. Ovo je druga Tijelovska proslava, koja je u Beogradu ovako svečano obavljena.

Gostovanje bečkog „Raimund-Theater“-a u Beogradu.

Danas u večer ostaje pozorište zatvoreno. Sutra u subotu davaće se operetna idila iz ljiljih starih vremena „Auf Befehl der Herzogin“ (Na zapovijest vojvotkinje) od Leopolda Jacobsona i Roberta Bodanzky-a, glazba od Brune Granischstaedtena.

U nedjelju poslije podne u 4 sata biće repriza operete „Hohheit tanz Walzer“, a u večer „Das Dreimäderlhaus“.

Nogometna vježba (trening).

I usred vijeh ratnih prilika, koje neprestano traju, ipak se sport nije zanemario. Jučerašnji trening na loptačkom igralištu Iza c. k. prijetne bolnice „Brčko“ dao nam je prilike, da vidimo svu tehniku i elegantnost igre, koju su vodila gospoda. Neki od g. glavnih igrača bijahu izostali, no to nije smetalo, da je trening trajao skoro cijelo poslije podne sa kombinacijama među g. igračima.

Izgleda, da će poslije nekoliko treninga, biti utakmica, koja će pobuditi vrlo veliko interesovanje kod svih, jer se i jedna i druga strana spremaju. Jučerašnji trening između obe stranke trajao je 25 minuta, za koje vrijeme su gospoda djaci c. i k. realne gimnazije dali gospodi c. i k. vojnim licima četiri gola. No ipak to ne znači uspjeh, jer glavnih igrača od strane c. i k. vojnih lica nisu bili prisutni treningu.

VI. ratni zajam u Palanci.

Uplisanje VI. austrijskog i ugarskog ratnog zajma u varoši Palanci otpočeo je 1. juna. Uspjeh dosada, za tri dana, upisanih obveznica od strane građana i gradjanki predstavlja svotu od 30.000 kruna.

CIJENE OGLASIMA: Osmiina jednog milimetarskog retka (42 mm široko) staje . . . 10 helera

MALI OGLASI Primaju: Knez Mihajlova ul. 38.

CIJENE OGLASIMA: Osmiina jednog milimetarskog retka (42 mm široko) staje . . . 10 helera

Ljekarska pomoć. ZUBNI-ATELJE J. SIDVERCA Dipl. Dentista Beograd

Kupovine i prodaje 2 KREVETA na prodaju Daničičeva 6 (Palilula), parter, lijevo.

Namještenja. TRAŽI SE djevojka za sav kućevni posao. Jevremova ulica 38.

POTREBUJEM jednog berberskog pomoćnika. Može stupiti odmah. Gimnazijska ulica broj 5.

TRAŽI SE valjana ženska za sav kućevni posao. Upišati Fruškogorska 9.

KUHARICA vredna, srednjih godina, neka se javi Knez Mihajlova ulica 48, Živko S. Bogdanović.

TRAŽE SE jedna vješta aranžerka i više učenica za modni salon. Obratiti se Ceciliji Fischer, Cara Uroša 10.

Stanovi. ZA IZDAVANJE jedna ili dvije ugodne meblirane sobe sa potpuno zasebnim ulazom. Kosmajka ulica 13, prizemni sprat, desno.

IZDAJE SE STAN na gornjem spratu, Topličin Venac br. 1.

Razno. IZGUBLJENO Između Balkanske ulice 18 i Dtappen - Stations - Menage izgubljen je jedan srebrni ženski sat sa srebrnom narukvicom.

KORESPONDENCIJA. Jovanu Premoviću, profesoru, Zeneva. — Molim javite Dimitriju Miloševiću, sudiji (Nizza), da je njegova porodica zdrava i novac svega jedanačputa dobila.

Stevi Aćimoviću, Zeneva. — Molim vas izvestite me za mog oca Filipa Ivanovića iz Palanke smederevske, vozara profijant kolone, 2. poziva, dunavske divizije.

Gosp. Vidokoviću, Paračin. Molim vas izvestite me što prije jeli živ i zdrav moj muž Miloš Igmjatović, koji je najprije bio hljebar.

Jovanu Premoviću, Zeneva. — Molim da me izvestite o mome bratu Božidaru Srečkoviću, 1. čete, 3. bataljon, 1. poziv, 7. puka.

Jovanu Premoviću, Zeneva. — Molim, da izvestite moga sina Dragoslava Stojkovića, litografa tipopografskog odeljenja pri vrhovnoj komandi.

Jovanu Premoviću, Zeneva. — Molim javite mome mužu Milanu Iliću, naredniku, soferu. Ja sam sa decom zdrava, novac i karte uredno primam.

Jovanu Premoviću, Zeneva. — Moj sin Rajko Miličević iz Ripnja, kovač, otišao je u povlačenju srpske vojske sa istom mjeseca septembra 1915. god. i poslednji put vidjen je u Kragujevcu.

Blagoju Andriću, Zeneva. U ime porodica nije imenovanih vojnika, ja te molim, da ove ljude potražiš i mene, što prije obavijestiš, i to iz Nemenikuća: Dragoljub Dim. Djurica, posljednji regrut; Dragomir Ljubisavljević, 7. puk, 3. poziv; Milan Ljubisavljević, 7. puk, 3. poziv; Stevan Marinković, dun. artiljerijska municijona kolona, 2. poziv; Miloš Živočević, posljednji regrut; Tihomir Lazara Rankovića, posljednji regrut; Radisav Negić, 7. puk, 3. poziv; Živojin R. Negić, posljednji regrut. Tebe i Simu mnogo pozdravlja Vlad. J. Živojinović iz Sopota.

Jovanu Premoviću, Zeneva. — Kao nepoznata umoljavam vas, da me izvestite o mome mužu Mihajlu Z. Filipoviću, majoru komandantu 13. puka, koji se ne javlja već osam mjeseci. Da li je živ i zdrav? Također izvestite me o njegovom surjaku Kostu Petroviću, trgovcu iz Negotina, koji je otišao kao blagajnik sa vojskom. Sa decom sam zdrava. Pejka M. Filipović, Krajinska ulica broj 35, Negotin.

Dari Stanojlović, Leskovac. — Javljam, da sam u Kragujevcu. Svi smo zdravo. Ružinu i Jerminovu kuću pozdravi, mama i vi primite pozdrav od djece Milke Kučević. Sch. 34

Mih. H. Ristić - Čačak Jovanu Premoviću, za Žiku Kneževića, blagajnika iz Čačka, Kri, Zeneva. — Molim vas lijepo, da mi se pošalje plata moga muža Svetozara Miloševića, mašiniste čačanske okružne bolnice, koji je umro 11. mojo ove godine i mene ostavio bez sredstava za život sa dvoje djece ispod 1 i pol godine, Zorka Milošević, Čačak, Trollmannstrasse br. 3. R. 785

Stevi Aćimoviću, Zeneva. — Dolje imenovani mole, da im se pošalje invalidska pomoć: Desanka Vladimira Popovića, bivšeg trgovca iz Čačka, Stürkgstrasse 8, jer je u velikoj oskudici. Muž joj je bio obveznik 1. čete, 2. bataljona, 10. puka, 2. poziva. Poginuo 1914. godine; Miljana, udova Markovića iz Rakove, srez ljuubički, sa petero djece. Riješjenje kragujevačkog suda; Zlata, udova Dragollu-ba Nikolića iz Rakove, srez ljuubički sa dvoje djece, ispod 8 god. Muž joj bio obveznik šumadijskog divizijskog mostovnog tren-a, 1. poziva. Umro 1915. godine u Čupriji; Julka, udova Dragutina Džamanovića iz Atenice, okrug čačanski sa jednim malim djetetom. Riješjenje čačanskog suda; Jerotije i Milosje, djeca poživšeg Milenka Vukašinovića iz Krstaca, srez dragačevski i mati im je umrla. Riješjenje čačanskog suda. Novac poslati preko njihove tetke Milo-ke Miličević iz Lise, srez dragačevski, okrug čačanski; Pajka, udova Veljka Blagojevića iz Gornje Gorjevice, srez ljuubički sa šestoro djece. Muž bio obveznik 10. puka, 3. poziva. Poginuo 1914. godine. Riješjenje čuprijskog suda. Novac poslati preko Mi-hajla Ristića, trgovca u Čačku. R. 786

Miloša Savića Kolarčeva ulica br. 10, Beograd. Prodaje se na tuce i na par u radnji

Profiv KOSTOBOLJE, RHEUME i unutarnjih bolesti od stoljeća glasovito kupatilo LIPIK (Slavonija) 64°C u pogonu je i u ratu, zimi i ljeti

Potprisanje ratnoga zajma najpreča je dužnost.

LJETNI RED PLOVIDBE poštanskih i putničkih parobroda. Vrijedi od 1. svibnja 1917. do dalje naredbe.

I. NA DUNAVU. Niz vodu: Iz Passau-a u Linc; lokalna ladja dnevno do 26. maja u 4 sata 30 min. do podne, od 27. maja do 31. avgusta u 5 sati 30 min. do podne, od 1. rujna do daljnjeg samo do postaje Engelhartzell, u 6 sati 35 min. do podne.

II. NA TISI u mješovitij službi. Niz vodu: Iz Szegeda u Zemun: u srijedu, petak i nedjelju u 5 sati iz jutro.

OTVORENA JE NOVA KASAPNICA Makenzijeva ulica br. 67. Mesó po kuponima.

ZA DJECU. Dresine, velospedi i sport kolica izrađuje I. elektro-mehanička radionica M. MARKOVIĆ, Kralj Milanova 8

Firmopisac Frank Skice po želji na uvid Najbrže izvršenje pismenih poručbina Brod 1/8.

HOTEL MAKEDONIJA Veliki trg br. 2. Izvještavam svoje poštovane posjetioce, da Hotel Makedonija raspolaže sa cjelokupnim brojem preuredjenih i lijepo namještenih soba.

Sa velikim bolom izvještavam srodnike i prijatelje, da je naša mila i neprežaljena sna

+ Selena preminula 18. ovog mjeseca poslije kratke i teške bolesti u svojoj 35. godini života.

Izvještavam srodnike i prijatelje, da ću mom dobrom i nigda nezaboravijem suprugu

Milanu A. Maksimoviću bivšem nadzorniku akcion. ciglane davati polugodišnji pomen u ponedjeljak 11. juna u 10 i po sati u crkvi na novom groblju.

Našoj miloj i dobroj majki Katarini J. Gjerić penzionerki davaćemo četrdesetodnevni pomen u ponedjeljak 11. juna tek. god. u 10 1/2 sati prije podne u crkvi na novom groblju.

Ucviljeni i do groba neutješni roditelji: Perka i Prota Nikola Trifunović, sa decom: Vidom, Lelom, Micom i Olgom i nezbrinutim unučićima: Zorkom i Dušanom, izvještavaju svoje srodnike, prijatelje i poznanike, da će davati premiloj upokojenoj djeci, odnosno sestrama i majci

Sa tugom i teškim bolom javljam srodnicima, prijateljima i poznanicima, da je moj dobri muž Krsta V. Milutinović umro 25. novembra 1916. god.

„BEOGRADSKKE NOVINE“ izlaze svakoga dana u jutro, a ponedjeljkom kao i poslije praznika poslije podne.